

**INFORMACIJA ZA JAVNOST**  
Period 01.01.2023 – 30.06.2023. godine

**KTRZ - Konkretno krivično djelo i počinitelj – ratni zločin**

Podignuto optužnica: 2 optužnice protiv 3 lica

Obustava istrage: 6 predmeta protiv 74 lica

Nesprovođenje istrage: 4 predmeta protiv 100 lica

Ustupljeno na krivično postupanje drugom tužilaštvu: 6 predmeta, 15 lica

Ukupno riješeno KTRZ predmeta na kraju izvještajnog perioda: 23 predmeta, 303 lica

Neriješeno KTRZ predmeta na kraju izvještajnog perioda: 271 predmet, 3008 lica

**KTARZ - Neodredivo krivično djelo ili počinitelj – ratni zločin, ukupno riješeno: 110 predmeta**

Nesprovođenje istrage: 64 predmeta

Riješeno na drugi način: 29 predmeta

Prešlo u KTRZ predmet: 2 predmeta

Preneseno na drugo tužilaštvo: 15 predmeta

Neriješeno na kraju izvještajnog perioda: 1211 predmeta

**KTNRZ - Konkretno krivično djelo s nepoznatim počiniocem – ratni zločin, ukupno riješeno: 32 predmeta**

Nesprovođenje istrage: 1 predmet

Obustava istrage: 1 predmet

Riješeno na drugi način: 2 predmeta

Prešlo u KTRZ predmet: 1 predmet

Preneseno na drugo tužilaštvo: 27 predmeta

Neriješeno na kraju izvještajnog perioda: 237 predmeta

**Predmeti riješeni putem regionalne saradnje u izvještajnom periodu:**

1 predmet ustupljen pravosuđu R. Srbije u fazi istrage

**I dalje nedostupno jedno ili više lica u 119 KTRZ predmeta, od toga 36 lica su lica oznake A.**

**Ukupno neriješenih lica A u TBiH: 136 lica u 53 KTRZ predmeta.** Tužilaštvo BiH je ukupno završilo, na različite načine, 675 lica oznake A, a od tog broja je 337 lica ustupljeno na postupanje drugim tužilaštvima.

U cilju postupanja po Revidiranoj državnoj strategiji za rad na predmetima ratnih zločina (dalje: Revidirana državna strategija), i ostvarenju Strateškog cilja VII, a koji se odnosi na regionalnu saradnju, u izvještajnom periodu predstavnici Tužilaštva BiH su posebnu pažnju posvetili bitnim pitanjima regionalne saradnje, što se može vidjeti pregledom podataka koje je Tužilaštvo BiH dostavilo Međunarodnom rezidualnom mehanizmu za krivične sudove (dalje: MRMKS), radi pripremanja polugodišnjeg izvještaja Vijeću sigurnosti UN-a. MRMKS, kroz dostavljanje informacija od Tužilaštva BiH, stalno pomaže Odjelu I u cilju ostvarenja regionalne saradnje u procesuiranju predmeta ratnih zločina, odnosno podržava aktivnosti na radu u predmetima gdje su lica nedostupna organima gonjenja u BiH, a koja lica se nalaze u zemljama regije.

Značajnu podršku u radu Posebnog odjela za ratne zločine Tužilaštva BiH dao je i angažman međunarodnog pravnog savjetnika u Posebnom odjelu za ratne zločine Tužilaštva BiH. Glavni tužilac Tužilaštva BiH je podržao odluku tužioca Međunarodnog rezidualnog mehanizma za krivične sudove, Sergeja Brammertza, koji je kao savjetnika u Tužilaštvo BiH predložio g. Douglasa Stringera. Od februara 2023. godine u Tužilaštvu BiH je povremeno boravio međunarodni stručnjak, bivši viši zastupnik Tribunala i bivši tužilac Ureda tužioca pri Međunarodnom krivičnom sudu za bivšu Jugoslaviju (u daljem tekstu: MKSJ) i Međunarodnog rezidualnog mehanizma za krivične sudove (u daljem tekstu: MRMKS), Douglas Stringer. Međunarodni stručnjak je angažovan na pružanju podrške Posebnom odjelu za ratne zločine Tužilaštva BiH, te sagledavanju stanja i poboljšanja organizacije rada u Odjelu I, a sve imajući u vidu rokove predviđene za okončanje rada na predmetima ratnih zločina određene Revidiranom državnom strategijom (2023. godina). Također, g. Stringer je direktno pomagao Tužilaštvu BiH u identifikaciji i pristupu dokazima MRMKS-a kako bi se dodatno ubrzao rad na istragama i krivičnom gonjenju ratnih zločina.

Nakon održane konferencije glavnih tužilaca Bosne i Hercegovine o sistemskim aspektima procesuiranja ratnih zločina, dana 04.07.2023. godine, uslijedili su dvodnevni sastanci svih postupajućih tužilaca Posebnog odjela za ratne zločine Tužilaštva BiH i više predstavnika MRMKS-a radi uspostavljanja rada na prioritetnim predmetima ratnih zločina za koje je glavni tužilac izdao obavezno pojedinačno uputstvo za rad, sve u cilju postupanja u složenim predmetima shodno odredbama Revidirane državne strategije. Naime, predstavnici MRMKS-a su ponudili da zajedničkim radom dva ureda MRMKS-a i Tužilaštva BiH doprinesu boljim rezultatima rada na prioritetnim KTRZ predmetima za 2023. godinu. Navedenim aktivnostima značajno će se doprinijeti realizaciji Strateškog cilja I i IV Revidirane državne strategije, pogotovo u smislu ostvarenja cilja da se u složenim prioritetnim predmetima iscrpe sve procesno-pravne mogućnosti usmjerene ka cjelovitom rješavanju krivičnog događaja i podizanju optužnice.

U cilju postupanja po strateškoj mjeri zaštite i podrške žrtvama i svjedocima Revidirane državne strategije u izvještajnom periodu predstavnici Tužilaštva Bosne i Hercegovine i Javnog tužilaštva za ratne zločine Republike Srbije su održali sastanke radi postupanja u predmetu gdje je bila potrebna podrška svjedocima, oštećenima i žrtvama radi njihovog učešća u krivičnom postupku u predmetu ratnih zločina.

U izvještajnom periodu Tužilaštvo BiH je stavilo na raspolaganje i omogućilo svim tužiocima u Bosni i Hercegovini uvid i pristup podacima ažurirane sveobuhvatne Centralizovane baze podataka ratnih zločina, čime je realizovan Strateški cilj II Revidirane državne strategije.

U cilju realizacije Strateškog cilja III u Posebnom odjelu za ratne zločine, u februaru 2023. godine, izvršen je pregled složenosti svih KTRZ predmeta s ciljem prioritnog procesuiranja složenijih predmeta ratnih zločina od strane Tužilaštva BiH, a sve u skladu sa odredbama Revidirane državne strategije.

Glavni tužilac i rukovodilac Odjela za ratne zločine Tužilaštva BiH redovno vrše nadzor nad provođenjem odredaba Revidirane državne strategije te po potrebi izvještavaju o radu na predmetima ratnih zločina Nadzorni organ za praćenje provođenja Revidirane državne strategije i Stalnu komisiju za efikasnost i kvalitet tužilaštava Visokog sudskog i tužilačkog vijeća BiH (dalje: Stalna komisija VSTV-a BiH).

Tužilaštvo BiH je, u skladu sa preuzetim obavezama iz Revidirane državne strategije i Aneksa B, izvršilo neophodne provjere i sačinilo zbirnu ažuriranu informaciju o predmetima u kojima su evidentirana lica sa dodijeljenom oznakom A od tužioca pri Međunarodnom krivičnom sudu za bivšu Jugoslaviju („standardnu oznaku A – dovoljno dokaza“). U skladu sa zaključcima Visokog sudskog i tužilačkog vijeća BiH (dalje: VSTV BiH), informacije o predmetima u kojima su evidentirana lica sa oznakom A, Tužilaštvo Bosne i Hercegovine redovno dostavlja Stalnoj komisiji VSTV-a BiH. U nastavku je tabelarni prikaz statusa lica oznake A u entitetskim tužilaštvima i Tužilaštvu Brčko distrikta BiH te Tužilaštvu BiH, zaključno sa mjesecom junom 2023. godine.

TUŽILAŠTVO BiH do 15.06.2023. godine		
FAZA POSTUPKA	BR. LICA	OSTALI PODACI
PRAVOSNAŽNO PRESUĐENI	82	Od toga 63 osuđujuće i 19 oslobađajućih
PODIGNUTA OPTUŽNICA	41	9 ustupljenih R. Srbiji, 6 ustupljeno R Hrvatskoj, 1 lice ustupljeno Crnoj Gori, 1 lice optužnica-postupak miruje zbog zdravstvenog stanja, 10 lica optužnica-ustupljeni tužilaštvima u BiH, 14 optuženih lica - nedostupna lica
U GLAVNOM PRETRESU	10	Za jedno lice postupak miruje zbog zdravstvenog stanja
ODBIJENE OPTUŽNICE	3	
OBUSTAVLJEN POSTUPAK PROTIV OPTUŽENOG	6	Od toga zbog smrti 5, zbog bolesti 1
U FAZI PRVOSTEPENE PRESUDE	7	
FAZA ŽALBE	0	
U FAZI ISTRAGE	84	
U FAZI PRIJAVE	52	
RIJEŠEN NESPROVOĐENJEM ISTRAGE	53	
RIJEŠEN OBUSTAVOM ISTRAGE	126	
SMRT PRIJE PROCESUIRANJA	5	
PRESUĐEN PRED MKSJ-om	3	
PREUZET U RAD OD STRANE TUŽILAŠTVA MKSJ-a	1	
FORMIRAN KTA-RZ PREDMET	3	
USTUPLJENO U FAZI PRIJAVE	1	Jedno lice ustupljeno R. Hrvatskoj u fazi prijave
<b>UKUPNO:</b>	<b>477</b>	

Ustupljeno vođenje postupka za "A" lica iz Tužilaštva BiH u entitetska tužilaštva i Tužilaštvo BD BiH, te njihov status u tim tužilaštvima		
FAZA POSTUPKA	BR. LICA	OSTALI PODACI
PRAVOSNAŽNO PRESUĐENI	155	Osudjujućih odluka 108, od toga jedan presuđen u R. Hrvatskoj, 1 odustalo tužilaštvo od optužnice u ponovljenom postupku, 1 odbijajuća, oslobađajućih odluka 45
PODIGNUTA OPTUŽNICA	14	Od toga 5 ustupljene R. Srbiji i 4 ustupljene R. Hrvatskoj, 1 lice-optužnica nedostupan, 1 lice optužnica-sud obustavio postupak zbog smrti, 3 potvrđena optužnica
U GLAVNOM PRETRESU	2	
FAZA ŽALBE	0	
OBUSTAVLJEN POSTUPAK PROTIV OPTUŽENOG	7	
U FAZI PRIJAVE	2	
U FAZI ISTRAGE	7	Od toga predmeti u kojima su evidentirana dva lica oznake A ustupljeni su na krivično postupanje R. Srbiji u fazi istrage
RIJEŠEN NESPROVOĐENJEM ISTRAGE	4	
RIJEŠEN OBUSTAVOM ISTRAGE	140	
VRAĆEN NA PONOVRNO SUĐENJE	1	
FORMIRAN KTN-RZ PREDMET	1	
SMRT PRIJE PROCESUIRANJA	4	
<b>UKUPNO:</b>	<b>337</b>	